



DEFENSORÍA DEL PUEBLO
ESTADO PLURINACIONAL DE BOLIVIA

DECLARACIÓN UNIVERSAL DE DERECHOS HUMANOS

QUECHUAS



TODAS Y TODOS SOMOS
DEFENSORES DEL PUEBLO

DECLARACIÓN UNIVERSAL DE DERECHOS HUMANOS

◆

QUECHUA



DEFENSORÍA DEL PUEBLO
ESTADO PLURINACIONAL DE BOLIVIA



DECLARACIÓN UNIVERSAL DE DERECHOS HUMANOS

Producido por:
Depósito Legal:
Diseño:
Impresión:

Defensoría del Pueblo
4 - 2 - 107 - 08 P.O.
Edwin Cusicanqui L.
Impresiones Gráficas "VIRGO"

Segunda Edición, 4.000 ejemplares
La Paz, junio de 2009

Proyecto de Traducción de la Declaración Universal de los Derechos Humanos a Lenguas Nativas.

- Alto Comisionado de las Naciones Unidas para los Derechos Humanos
 - Programa de las Naciones Unidas para el Desarrollo
- Oficina del Coordinador Residente del Sistema de las Naciones Unidas
 - PRODUCCIÓN U.C.B./SECRAD
(Servicio de Capacitación en Radio y Televisión para el Desarrollo)

DIRECCIÓN GENERAL
Lic. José Luis Aguirre Alvis

FACILITADORES DE LOS TALLERES DE TRADUCCIÓN
Lic. Mónica Sahonero
Lic. Carlos Sotomayor

2001 U. C. B./SECRAD, Bolivia
webmaster@pnud.bo



NACIONES
UNIDAS



Alto
Comisionado



SECRAD
SERVICIO DE CAPACITACIÓN
EN RADIO Y TELEVISIÓN
PARA EL DESARROLLO

KAY TIKUYRUNAJ PAJTACHAY KAWSAYNINPATA RIMARIYNINQA

tukuy ayllu tiyakujkuna, llajtakunapiwanqa, uj yuyayllwan kallpachakuna tiyan, sapankupis, jinallataj llank'aj ukhupi kajkunapis, paykunata yanapaspallapuni, yachaqakuykunapi yachachispa, allin uyariku niyuj kayta qheshpichachikuykunatawan, pisimanta pisi uj llajtamanta jawa llajtakunkama mirananpaj, chay junt'achilynin tukuyllapj, mana pita qonqaspa, karu llajtakunaj ayllunkupajpis, chaykunaj kamachinpi karashnku chaykunapajpis.

Rak'ik 1

Tukuy paqarikuj runaqa payllamanta mana pijpa kamachinpi kanapaj paqarikun nakuynin, uyarinakuynin, purajpapis kikillan kanan tiyan, yuyayman jina sut'i kananta, ujpis ujkunawan, allin kawsaypi kakunankupaj.

Rak'ik 2

1. Runaj rimariyninman jinaqa tukuy runaj qhespi kaynin, chayaqen kashan imaymana panakayujpis kachun sawqayay, qharipis, warmipis, siminraykupis, ininiyninraykupis, lloq'eman q'emijpis kachun, pañaman qemijpis kachun, wajkunamantapis, maymantapis kachun, mashkha qolqe kapuyniyojpis kachun, paqarikuyninmanta, imayna paqaarikujpis, kachun.
2. Chantapis, mana qhawarayqa kananchu tiyan, mayqen polikamanpis q'emichun, kamachiman jina, mayqen sispa karu llajtamantapis kamachichinqa kachun, uj llajtallamantapis, kachun, manari, mayqen llajtallamantapis qolqe manukuchun, mana paypaj nisqallan, manaqa wakjunaj kamachisqanrayku.



Rak'ik 3

Pillapis kay kawsaypiqa, qhispisqataj, waqaychasqataj kawsakunan tiyan.

Rak'ik 4

Mana pipis saruch' asqaqa kananchu tiyan, mana yankunajipis, manallataj qhasilla llank'achichiypis, yanakunajipi kachiyqa kamachijman jinaqa, juchamin.

Rak'ik 5

Mana piipis watasqaqa maqasqapis kananchu tiyan, manallataj waqachichiypis, wañuchiypis, runa kashajtin mana phutirkuspa wañuchiypis.

Rak'ik 6

Tikuy runaga, mayllapipis runa jina atillan kawsayta chayaqeyoj kayta.

Rak'ik 7

Kamachiman jinaqa tukuyjis kikillan, yanapis kachun yurajpis kachun chayaqenpis kikillantaj. Sajra runa, mana allin ruwaykunamantaqa, tukuylla waqaychasqqa, jark'asqataj kanan tiyan, chay tukuy rimapuykunapis, runaj rimariyinman jinaqa juchamin.

Rak'ik 8

Tukuy runa qolqeta mask'akuya atin, chaymanta kamachijkunaman asuykuspa, millay jasut'iykunamanta jark'asqa, jatun junt'achiman jina qhawaqa kanan tiyan.

Rak'ik 9

Mana pipis qhasillamantaqa ja'isqaqa kayta atinchu, watay wasipi kachiy, manallataj karu llajtaman qharqoypis kanallantajchu tiyan.

Rak'ik 10

Tukuy runapaj kawsaynin patapiqa ujpajpis, ujpajpis ujlla kanan tiyan, tukuy runarayku uyarisqa, jamach'ajkunaraykupis pajtachasqa kananpaj, maychus kanallanpi mana piman sayakuspa, kamachikuman jina, tukuy kamachiykunata junt'aspas, tapukunawan, ch'uylalla uyapuranakuspa, junt'aspas ima.

Rak'ik 11

1. Pillapis qhasillamanta tunpasqa kaspaqa, sut'inchayta mana jina kasqanta sut'inchayta atin, tapujkuna juchanman jina juchachayta atin, manaqa manapis, kamachiman jina runaj qhawanani sut'inchasqa kanan tiyan, chayman jina sapa ujpis jiwiqayninta mask'anapaj, chaykamatatay mayllapipis sut'ita purikunallan tiyan.
2. Imapi juchallikuspaa, manaraj maychus kajta yachasparajqa, mana pipis kasqanta yachasparajtajqa,



mana pipis wanaykunata, muchuykunata junt'achiya
atinchu, chayata llajtaj kamachin qhawanana tiyan
manaqta tukuy llajtakunajta chay panpachaykunapis
manallataj manaraj allinta ukhunchaykurishajtinkuqa,
kallpallawan sinch'i wanaykunata qonankuchu.

Rak'ik 12

Runaj kawsaynini, ayllun, wasin maypi tiyasqan
imapiqa, mana pipis rimapayasqaqa, chijnipayasqapis
kayta atinchu, Kamachiman jina tukuylla waqaychasqa
kanan tyyan, ch'ajwaraymanta, manaqta
muyuykachasqamantapis, mejnuyukunkumanta
chayri ch'allparaykushanankunantaqa.

Rak'ik 13

1. Maylapipis tukuypis puriykachakuya atillan mayqen
llajta, mayqen suyullanpipis, mask'arispa
llajtachakuytan atin, mana pipis jark'ayta atinchu.
2. May llajtapi kashaspapis runaqa, waj llajtaman
llojsiyataq atillantaj, llajtallanmantatapijpis atillan
llajtallanmantajpis kutiykapuya.

Rak'ik 14

1. Pillapis qhatiykachasqa rikukuspaqa, maypi
tiyakunanpaj mask'ayta atin, chaypi wasinpi jina
allinta kawsakunanpaj, may llajtallapipis.
2. Kay chayaqeqa, mana pijpa kallpallawan kamaachiqa
kamachisqaqa kananchu tiyan, mana ch'ajwaywan
q'eqontaykusqa, mana qhesachasqa kanan tiyan
tantasqa llajtakunaj kamachi rimariyninrayku.

Rak'ik 15

1. Tukuy runalla llajtayuj atin kayta.
2. Mana pitapis llajtayuj kajtajqa qharqoytaqa atinmanchu, manallataj waj llajtaman kachaytapis.

Rak'ik 16

1. Qharipis warmipis, ña sawarakunanmanña chayaspqa, sawarakapuya atin, imayna panakayujpis kachun, may llitayujpis, manaqa ininiyiyujpis, mana pi jark'ayta, kamachiytapis atinchu, chayrayku ayllunchakapuya atin, allin kawsaypi purajmanta kawsakunankupaj, mana allinfa kawakuspaqa t'aqanakapuya atinku.
2. Qharijpa, warmijpa ari niykurininjuwan purajpis sawaranakunanku tiyan, mana pijpa nisqanraykuchchoqa.
3. Aylluqa, kay pachapi runa masiwan kawsakunanjaj, chayrayku runa masillataj yanapanan, waqaychanan tiyan, jinallataj llajta jatun kamachejpis.

Rak'ik 17

1. Tukuy runa kay atin tukuy imayuj, jalllp'ayuj, wasiyuj, sapallan kaspapis, ashkha kaspapis.
2. Mana pipis jallp'anmantapis, wasinmantapis qharqosqapa kayta atinchu.

Rak'ik 18

Tukuy runa yuyayninman jina yuyaychakuya atin, sut'i kayninmanta, ininiymaytapis, chayrayku uj inininiyuj



kashaspa, wajpipis ininillanman, yupaychanman, jinallataj ininiymanta parlayta, upayachachiytapis, sapalla manaqa askha ukhumantapis, runa ijhupi, paykuna ukhullapis, yachachinaman jina, parlaypi ruwaypipis, allin yuyayta jap'inapaj.

Rak'ik 19

Pillapis munayninman jina mayllapipis parlayta atin, mana pi jark akunanchu tiyan, parlashajtillan mana pipis pijpa rimasqanrayku ch'inyachiyya atinchu, mana pimantapis ima ruwasqanta suti yachashaspaqa imatapis paralpunachu tiyan, runanejtapis manqa mayqn nejlltapis.

Rak'ik 20

1. Tukuy runa chayaqenman jina tantakuyta atin, jinallataj mayqen qotuchakuman chinpaytapis.
2. Mana pipis qhiñalla enqhaykusqaqa qotuchakumanqa chinpayta atinchu, payllamanta chinpaspa chinpanan tiyan.

Rak'ik 21

1. Tukuy runa llajtanpa jatun kamachiyninpi kaysikuyta atin, pay kikin manqa runanrayku allinmanta chhijillsqa kanan tiyan.
2. Tukuy runalla, runaj llajtanpa llank'anaman yaykuyta atin, pipajpis kikillan kanan tiyan.
3. Aylluy munaynillwan purirantinkunaqa runata kamachinanpajqa kanan tiyan, chay munayqa maychus rinanpi chhijllayllwan, junt'akuyninmanqa, sapa kuti yankispa, chay chhijllayqa tukuytaj ujlla kanan tiyan,



munasqankuman jina sapalla, pakayllapi chhijllaspa,
manqa imaynachá kamachi chayman jina
munaynilanchijwan chhijllaspa.

Rak'ik 22

Tukuy runa, runawan kawsakusqanrayku, onqurayaymanta, qolquemanta, wañuyymanta waqaychaqa atin kayta, may llajtapis yanapachikuspa manqa llajtanpis, llajtaj kapuyninman jina, qotuchaku kamachiman jina, yanapachikunanpaj, chay qolqwan kawsakunanpaj, runa ukhupi, yachaykunawan, kikin kawsakuyninman jina, munasqanman jinataj ñawpajman thaskirinapaj.

Rak'ik 23

1. Tukuy runaqa llank'anapuni, tiyan, ima llank'ayllapipis, atisqanaman jina, llank'asqanwanqa kamachiman jina, qolqeta jap'ikunanpaj, chaywan ayllunta uywananpaj, chantá, mana pipis qharqorpasqaqa kaytá atinchu, chayqa allin waqaychasqa kanan tiyan.
2. Tukuy runa llank'asqankumantaqa, llank'ayninkuman jina, uj rijllata qolqeta junt'achikunanku tiyan, mana ancha llank'achiypis kananchu tiyan, maychus kajlla.
3. Tukuy llank'aj runaqa llank'anan jawa, ayllunpaj jina yanapachikuya atin, chaywan allinta kawsakunanpaj, nana jina kajtinqa maskha kananman jina jaywachikapanun tiyan, chaypajqa waqaychasqa kanan tiyan.
4. Tukuy runa sindikatuta rikhurichihta atin, mana chinpaytapis munayninta mask'anapaj.

Rak'ik 24


Tukuy runa llank'aytawanqa samakuya atin llank'ananman jina mayuk'a unayllatapis, jinallataj samakunapunipis, qolqe junt'apusqa kanan tiyan.

Rak'ik 25

1. Tukuy runalla wajkunaj kawsayninkuman jinallataj kawsakuya atin, ayllunpis, onqorayaymanta, mikhunamantapis astawanpuniqa umikunamanta, p'achallikuyymanta, wasiyoj kanamanta, janpichikuj rinanmanta, imakunatachá, munanman, chaykunamantawan, jinallataj manaña machitumanta, sayk'usqamanta, llank'akuyta atejinñapks samakuyninpi qhawaqa kanan tiyan chantá jina llank'akushaspa imanta nanaykuchikojtinpis, p'akiykukojtinpis, qhawaqapuni kanan tiyan thanikunankama.
2. Mama kaspá, erque kaspapisqa, qhawajkunawan allin qhawasqa kanan tiyan, sapa sapitapi, yanapaykunawan ima. Tukuy wawa sawarakuy ukhupi paqarikuy manqa mana sawarakuy ukhupipisqa, chayaqen, waqaychayninpis ujlla kanan tiyan.

Rak'ik 26

1. Tukuy runa yachaqachisqa kayta atin. Chay yachachiyqa mana qolqenraykullachu kanan tiyan, astawanpuniqa ñaawpaj ñequentunapi. Ñawpaj ñequentunapi yachaqakuyqa, yachachisapuni kanan tiyab. Makiwan yachachiy, yachayniyojkanankamapis,

- 
- tukupaj kanan tiyanb, jatun yachaywasikunamampis atisqankuman jina.
 - Yachachiyqa, kawsayninpi allin kananpaj kanan tiyan, tukuy runamasinta allinpi qhawanapanpaj, qheshpisca kananpaj ima, tukuy llajtakuna ukhu parlapayarinakuspa, suyarinakuspa, ayllu ukhupi manqa ininyninpipis, chayman jina tukuy llajtakunata ñawapajman llank'aspa purichinanjupaj, allin kawasay kananpaj.
 - Tata mamaqa imaynata wawankuta yachachinataqa, atinku mask'aysispas yanapayta, layan yachaqayman jina.

Rak'ik 27

- Tukuy runa ayllujpa yachaynintaqa allinpi qhawarispa kawsaysikuya atin, tukuy ruwayninkupi kawasaysikuspa, qhepa kawsay allin kananta yuyaspa, musoj, yuyakunata suyaspa.
- Tukuy runa, imayna, yuyaynin kasqan munayninman jina, qhawasqa waqaychasqataj kanan tiyan, allin musuj yuyaykunata mask'aspa, paypaj, jamawt'a yuyaynin kasqanrayku, llakiypipis, kusirikuypipis.

Rak'ik 28

Runaj qhapariyninman, jinaqa, tukuylla kamachita junt'ana tiyan may llajtallapipis, purajmanta allin kananta uyarinakuspa.



Rak'ik 29

1. Tukuy runa llajta ayllutaqa, allinpi qhawaspa uyarinan tiyan, tukuy imata uyarispa, jinamanta runaqa allin kawasayta mask'aspa tiyakunanpaj.
2. Kawaynin patapi, munayninman, qhesphi munayninman jinaqa, tukuy runa kamachiyma jina kawsanan tiyan, jinamanta mana maypipis saruch'asqa kananpaj, purajmanta qheshpichinakuspa, munayninchejman jina tukuy ima junt'asqa kananpaj, sut'i uyarinakuy, runa ukhupi, manqa mayllapipis, mana pejpa sajra kamachinwan, allinta kakuspa.
3. Kay chayaqekunataqa, qhesphi kawsaykunatapisqa, mana pi t'ustiytaqa atinmanchu, kayqa tukuy llajtakunaj qhapariy willasqan kashan, chaylla atin imata ruwaytaqa.

Rak'ik 30

Kay rimaririyqa mana llatajpa kamachiynin orqosqachu, mana wakillanpajpischuqa, mana uj runallapajpijchu, manallataj paykuna qhesachaspa chinkarichiyytaqa atinkuchu, chayqa rimay qhapaririyman jina wakichisqa kasqarayku, charaqen, qhespichin, kasqanrayku ima.



DEFENSORÍA DEL PUEBLO
ESTADO PLURINACIONAL DE BOLIVIA

DECLARACIÓN UNIVERSAL DE DERECHOS HUMANOS

TODAS Y TODOS SOMOS
DEFENSORES DEL PUEBLO

